



ՀԱՂՈՐԴԱԳՐՈՒԹՅՈՒՆ

Ամենայն Հայոց Հայրապետի հրավերով եպիսկոպոսաց ժողովի բարեկարգությանը հանձնախումբը, նախագահությամբ Երուսաղեմի հայոց պատրիարք ամենապատիվ տ. Եղիշե արքեպիսկոպոսի, իր երկրորդ նստաշրջանը գումարեց Մայր Աթոռ ս. Էջմիածնում սույն թվականի նոյեմբերի 6—9 օրերին:

Հանձնախմբի աշխատանքներին մասնակցեցին՝

Տ. Սերովքե արքեպիսկոպոս Մանուկյանը՝ հայրապետական պատվիրակ Արևմտյան Եվրոպայի.

Տ. Բարգեն արքեպիսկոպոս Ապատյանը՝ հայրապետական պատվիրակ Հարավային Ամերիկայի.

Տ. Կոմիտաս արքեպիսկոպոս Տեր-Ստեփանյանը՝ առաջնորդական փոխանորդ Արարատյան թեմի.

Տ. Տիրայր եպիսկոպոս Մարտիկյանը՝ առաջնորդ Ռումինիայի և Բուլղարիայի թեմերի.

Տ. Գնել եպիսկոպոս Մերենյանը՝ Բելլուսից.

Տ. Շահեն եպիսկոպոս Աճեմյանը՝ դիվանապետ Երուսաղեմի հայոց պատրիարքության:

Առաջին նիստը բացվեց նոյեմբերի 6-ին, առավոտյան ժամը 11-ին, Վեհափառ Հայրապետի աղոթքով և ողջույնի խոսքով:

Հանձնախումբը գումարեց 4 նիստ, որոնց ընթացքում վերանայեց անցյալ տարի իր պատրաստած ծիսական բարեկարգությանը նախագիծը, վերջին մեկ տարվա ընթացքում ստացված դիտողությունների և առաջարկությունների հիման վրա: Հանձնախումբը պարտավորություն ստանձնեց ընդունելի նկատված բոլոր թելադրությունները մոծել նախագծի մեջ և՛ մոտ ապագայում՝ Նորին Սրբությանը ներկայացնել իր վերջնական ձևի մեջ:

Նոյեմբերի 14-ին, ժամը 13-ին, հանձնախումբը, Վեհափառ Հայրապետի նախագահությամբ, իր փակման նիստը գումարեց և զեկուցեց իր կատարած աշխատանքի մասին:

Նորին Սրբությունը իր բարձր գնահատանքի խոսքն ուղղելով հանձնախմբին՝ հույս հայտնեց, որ սկսված գործը իր ցանկալի ավարտին կհասնի շուտով ի պայծառություն Հայաստանյայց եկեղեցու:

ԴԻՎԱՆ ՄԱՅՐ ԱԹՈՒՒ

18-ը նոյեմբերի 1972 թ.,

Ա. Էջմիածին

